

譚友夏合集 卷十五

嶽歸堂已刻詩選

四言

介姑

華山五章送鍾子也

松實六首（有引）

枇杷菴禮地藏菩薩立像

雷太史家有送子觀世音菩薩畫像一軸其地如西洋布而堅密設色靈幻菩薩手一兒舉念珠似鸚鵡拜而誦之

望白兆八章送朱公也

恭謁七章禮玄嶽也

洵師

園詩四章爲大司農周公賦也

天監七章爲報國寺二松賦也

樂府

擬讀曲歌二十八首

譚友夏合集 卷十五

懷儂曲十解

譚友夏合集 卷十五

嶽歸堂已刻詩選

竟陵 譚元春友夏著

四言

介姑

曉曉幽貞。班史之姑。姪從其姑。姑傷其夫。其夫云何。年命以徂。晨析鴛鸞。暮啼鷓鴣。豈不同穴。顧此女雛。何以報之。榮榮支吾。何以殉之。淑慎于嫗。如山如河。如璧如珠。心無暇矣。遑恤無家。兄弟之子。惟懷永圖。有幹有畝。有廬有甘。有蠶有供。其娛玉還故簪。雲返昔墟。載木主往。抱祭器居。姑嫁得絲。歸妹睽孤。羅茲閔凶。老少須臾。血或有碧。顏不復朱。風雨晦冥。姪應姑呼。必恭敬止。怙恃儼如。泉水六章。豈謂是與。

華山五章送鍾子也

幽幽華山的。的南渚。女之還思。曰寒曰暑。予與女之偕思。曰暘曰雨。亦既古處。亦既譽處。我心側女。

其二

將安將樂。其往有他。其往匪他。王事孔多。惕惕皇皇。孔多孔臧。不勞於行。

其三

惟女有鹿。尙其放斯。速僅於野。深之密之。必林其山。以鹿爲期。鹿亦有歸。鳥亦有飛。彼君子兮。焉違。時伯敬有放鹿事。

其四

羔裘白之。駱馬百之。胥徒磔之。又鞞革之。淵淵吉人。聊一客之。

其五

有塘凌矣。有河冰矣。寒既升矣。夙且興矣。我不家溫。以念子行。子雪亦雪。子霜亦霜。

松實六首（有引）

松實感聖供也。無念禪師學公。歸隱九峯山。我高皇帝貽詩遠懷。供以松實。又賜衣履鉢盂。馬澤爛然。泰竊謂高皇帝之於禪深遠矣。乃撰四言六章。以松實名篇。

巍彼皇祖。篤生我明。願瞻脛膺。載安載清。皇祖天只。皇祖佛只。非皇祖只。

其二

赫赫神武。既龍既虎。亦孔之怒。亦莫有怒。以救衆所苦。以痛衆所楚。吁嗟乎皇祖。

其三

苑苑九峯。靡崇不松。泉流其液。烟積其封。杖而出入。厥惟學公。帝曰念哉。松實攸供。匪松實之爲供。王言雍雍。

其四

乃錫之衣。乃佐之歷。乃頒之器。乃下之旨。曰慧曰穩。其言維軌。如如開士。穆穆天子。無詖無譌。

其五

夫是以有開士。夫是以有天子。母曰謬謬。母曰唯唯。不言不應。瞿然靡所止。

其六

維鐘有木。尙其擊之。維几有簟。尙其席之。君子有心。尙其寂之。凡厥庶民。尙其惕之。

枇杷庵禮地藏菩薩立像

惟神安坐。惟民下拜。靡不知敬。或未知戒。菩薩曰。嘻。敬何異懈。我甯不坐。爾寧不拜。風雨晦明。疎身諸界。人行鳥飛。不在眼外。盛覺惶惶。如在顛沛。一人有業。菩薩懽懽。爾坐爾臥。爾散爾會。無不繇爾。爾嘗則怪。爾若無愆。我寧爾拜。

雷太史家送子觀世音菩薩畫像一軸。其地如西洋布而堅密。設色靈幻。菩薩手一兒。念珠似鸚鵡。拜而誦之。

何以布之。如鑄如繡。光浮寸許。大士靈透。手其兒手。味其禽味。大士目兒。兒目鸚鵡。以目相撥。鸚鵡仰兒。兒寧兒。嘻。戲勿爾。稚魯兒。手念珠。是大士物。鸚鵡聰明。不與兒拂。以投鸚鵡。鸚鵡成佛。禪床曉坐。瓶花夕開。兒無所懼。佛無所猜。鸚鵡虎豹。可以同來。

望白兆八章送朱公也

予望白兆。是公攸蒞。山繇古人。公去恐噓。往予望之。當雨而霽。

其二

公望寒河。是予攸居。林木蒼蒼。予出恐虛。胡公望之。宛白兆如。

其三

昔公知我。我不敢曰。惟公知我。引焉避焉。公曰士如此則可。

其四

昔公下士。我不敢曰。惟公下士。以潔以慎。公曰士如此則異。

其五

既一今古。既略崇卑。飲之坐之。雜語笑之。言莫有聞。聞亦莫知。明月依依。樹影垂垂。行步遲遲。此夕當思。

其六

駕馬馬霜。渡河河冰。比及三年。天子惟微。執玉來朝。乃錫金縢。鄭國雖小。古有曹滕。四方律公。乞盟載興。維天子神聖。以莫不增。

其七

公之往矣。我不敢嗟。公何往矣。如松柏斯花。

其八

公之來矣。我不敢欣。公何來矣。如飛鴻斯羣。

恭謁七章禮玄嶽也

惟雷啓蟄。先之以厥電。惟風動物。播之以扇。乃神暨人。乃主暨臣。風止電息。爲天下春。

其二

水矩山長。風物有鄉。天柱斯光。

其三

爲帝者師。爲五嶽長。以禮以時。德馨孔仰。天子宫止。諸王菴止。海隅日出。稽首龜止。

其四

眺彼洩雲。與烟俱養。雲杳在下。烟無所往。亭亭澗木。千章必響。衆香來同。一音自獎。

其五

凡爾烝民。賈賈皇皇。所希纖微。號興攀裝。彼有寸縷。此有孟粥。彼有一鍾粟。此有巢枝木。乃知山林。哀此獨。

其六

誰貽神羞。識潛者希。殃祥繇已。應之以機。吉人坦坦。上帝剡剡。匪齎匪澣。

其七

慨世蒙頑。宜莫如我。既善其珍。庶求其可。崖谷惟晴。水木惟陰。浩浩蒼蒼。以起我心。

淘師

經宜城金花灘。從淘人論淘師。

維金伊何。曰地四生。一以流之。天息其精。或宿諸灘。或湍諸水。或沈尺餘。或浮寸許。有淘者師。日下水深。匪惟察影。灘高知音。皇皇淘師。目光於燈。金不敢匿。如兔見鷹。于以牀之力。力揚之沙。臥水行。永乃將之。牀以巢之。斗柄搖之。金進沙退。汞乃交之。碎碎急流。金屑蓬鄉。忽復見冶。肇厥低昂。嗟彼貪人。亦識斯氣。仰欽廉素。夕抱冥契。

園詩四章爲大司農周公賦也

漢之水。載停載曲。君子所篤。

其二

漢之塵。以廬以園。君子所藩。

其三

園之未成。絡草鉤棘。園之既成。先民之嗇。匪曰布之。帛亦不忒。匪曰菽之。粟亦可則。

其四

十年樹桐。十年種竹。桐繁有子。竹繁有孫。實惟爾公百福。

天監七章爲報國寺二松賦也

天監明德。京我燕強。我強弈弈。我松孔彭。天謂我松。勿苟蒼蒼。勿合抱斯大。勿干霄斯長。

其二

不雷不電。厥根孔固。不雨不露。厥枝孔茂。不照伊日。不臨伊月。曾不受命。祇異維則。

其三

醜則首之。螭則尾之。鬼則否之。神則唯之。有西方聖。端之委之。二木同心。交濤接陰。

其四

一往十折。有枝峯結。數盤一樛。有條棧抽。莫知爾萌。莫知爾投。彼君子兮。莫知其繇。

其五

有蟲惑止。多歧維懼。有鵠迷止。鳴儔似顧。彼君子兮。莫知其故。

其六

瞻瞻帝京。往渡桑乾。彼送者兮。執桴忘言。彼君子兮。視聽不遷。

其七

桑乾不遠。馬鳴暉短。彼送者兮。不遑執桴。彼君子兮。雙松之下。

擬讀曲歌二十八章

交歡久。貝齒有時落。歡獨常在口。

其二

慚恨浹香汗。知是他儂贈歡衣。不聽拭儂面。

其三

上樹摘梧子。有人牽裙拾。拾罷提筐歸。摘梧子人無半粒。

其四

幾番風雪妬。雪水隔瀾瀾。黑白子各六。郎今正遠期。

其五

取壺情歡投。一矢迴翔舞不休。初翔穿壺耳。再翔打壺頭。

其六

製成合歡帶。繡囊裝古琴。周天三百度。無處不經星。

其七

三刀治一雞。娛啼驚郎去。儂眠不覆首。也能知天曙。

其八

待曙時。闔家寢。門關歡將何所之。

其九

不肯彈求鳳。戲郎不如鳳。鳳擇梧桐棲。但是紅粉郎心動。

其十

亦知所歡貧。要郎衣朱紫。出入乘軒車。光影儂鄉里。

其十一

奈何許。儂固不足言。負儂卽負汝。

其十二

欺儂眼孔小。自往鏡邊照。不難得儂憐。畏博他儂笑。

其十三

愁緒如陰蠶。切切問深更。吹笛不按孔。何處得歡聲。

其十四

纏綿半生心。分張一事錯。竹籬語疏屏。我疎汝臆薄。

其十五

菱生黃蘗浦。刺多傷儂手。賺歡合刺食。碎殺少年口。

其十六

不共新歡誓。只許一宵眠。煙微爐火小。合是不曾然。

其十七

枉墮千行泪。要令歡目擊。朔風結檐冰。留待情晴滴。

其十八

儂家禁儂往。歡家斷歡行。木鐘語土鼓。爾我兩無音。

其十九

不敢出門望憶歡在裏曲。龍雌語飛雄。不如同拘束。

其二十

伸玉臂持酒與歡飲。亦不令歡醉。

其二十一

莫便怒請轉金屏裏。思儂不答故。

其二十二

羅翡翠採羽作儂鈿。仍放翡翠去。

其二十三

少談諧。豈惹生口中。花言含禍胎。

其二十四

曳羅帳。詐作新歡聲。參伺試儂狀。

其二十五

羅襪感歡贈。問是阿誰縫。十問九不應。

其二十六

窺簾見播摺。中心已愈允。不恥自爲媒。爺孃氣難忍。

其二十七

緩步上粧臺。舉手捫儂目。歡莫太欺儂。儂已鏡中矚。

其二十八

不愁歡遂變。自恃顏尙好。歡愛儂顏誓百年。百年難保不衰老。
懷儂曲十解

今夕居一牀。明晨愁一家。倩郎後園裏。拔起夜合花。

其二

障儂櫺間月。彈儂檠上燈。郎去天欲曙。見儂眉未曾。

其三

敢望校郎書。敢望持郎杯。一日天氣好。記得上樓來。

其四

纔上樓一笑。笑下樓去哭。哀樂太無端。郎知儂所觸。

其五

一派語聲中。儂聞郎嘆息。儂今不嘆息。愁郎方飲食。

其六

筆墨欲師郎。齋前一步地。疑儂音信通。知儂新識字。

其七

郎是磊落人。問儂儂莫談。致儂如此苦。反致郎生慚。

其八

陳是密所爲。厚是薄所寄。苟非有情入。看作無情事。

其九

萬事有徵兆。何知儂得僭。郎檢今年箱。拾儂去年簪。

其十

今世古押衙。不須負儂出。一語堅郎心。是儂感恩日。

漱歸堂卷之十五終

譚友夏合集 卷十五

